



Broj: 02-04-53581-4/25
Sarajevo, 14.11.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14-Ispravka) Vlada Kantona Sarajevo, na **132.** vanrednojsjednici održanoj **14.11.2025.** godine, donijela je

ZAKLJUČAK

1. Utvrđuje se prijedlog Odluke o davanju saglasnosti na Sporazum o poslovnoj saradnji kojim se regulišu međusobni odnosi na zajedničkoj realizaciji Projekta izgradnje objekta Javne ustanove Osnovna škola „Pofalići“ sa Općinom Novo Sarajevo i Zavodom za izgradnju Kantona Sarajevo i davanju saglasnosti Ministrici za odgoj i obrazovanje Kantona Sarajevo da potpiše navedeni Sporazum.
2. Prijedlog Odluke iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

PO OVLAŠTENJU PREMIJERA

ministrica Softić Kadenić Darja

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za odgoj i obrazovanje Kantona Sarajevo,
6. Evidencija,
7. A r h i v a.

Na osnovu člana 18. Tačka b) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 14/01, 28/04, 6/13 i 31/17), člana 39. Zakona o ustanovama („Službeni list R BiH“, br. 6/90, 8/93 i 13/94) i čl. 6. i 8. Zakona o imovini Kantona Sarajevo („Službene novine Kantona Sarajevo“, br. 06/97, 09/98- Presuda Ustavnog suda, 05/10-Presuda ustavnog suda i 27/16) Skupština Kantona Sarajevo, na ____ sjednici održanoj _____2025. godine, donijela je

Prijedlog

ODLUKU

O DAVANJU SAGLASNOSTI NA SPORAZUM O POSLOVNOJ SARADNJI NA REALIZACIJI PROJEKTA IZGRADNJE OBJEKTA JAVNE USTANOVE OSNOVNA ŠKOLA „POFALIĆI“ SARAJEVO

I

Prihvata se tekst Sporazuma o poslovnoj saradnji na realizaciji projekta izgradnje objekta Javne ustanove Osnovna škola „Pofalići“ Sarajevo kojim se regulišu međusobni odnosi na zajedničkoj realizaciji Projekta izgradnje objekta Javne ustanove Osnovna škola „Pofalići“ sa vanjskim uređenjem sa Općinom Novo Sarajevo i Zavodom za izgradnju Kantona Sarajevo.

II

Daje se saglasnosti ministrici za odgoj i obrazovanje Kantona Sarajevo da potpiše Sporazum iz tačke I ove odluke.

III

Odluka stupa na snagu danom donošenja, a objavit će se u „Službenim novinama Kantona Sarajevo“.

Broj: _____/25

U Sarajevu, ____.*____.2025. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

O B R A Z L O Ž E N J E

I PRAVNI OSNOV:

- Član 18. tačka m) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 14/01, 28/04, 6/13 i 31/17);
- Član 39. Zakona o ustanovama („Službeni list R BiH“, br. 6/90, 8/93 i 13/94);
- Čl. 6. i 8. Zakona o imovini Kantona Sarajevo („Službene novine Kantona Sarajevo“, br. 06/97, 09/98- Presuda Ustavnog suda, 05/10-Presuda ustavnog suda i 27/16).

Pravni osnov za donošenje Odluke o davanju saglasnosti na Sporazum o poslovnoj saradnji na realizaciji projekta izgradnje objekta Javne ustanove Osnovna škola „Pofalići“ Sarajevo kojim se regulišu međusobni odnosi na zajedničkoj realizaciji Projekta izgradnje objekta Javne ustanove Osnovna škola „Pofalići“ sa vanjskim uređenjem sa Općinom Novo Sarajevo i Zavodom za izgradnju Kantona Sarajevo i davanje saglasnosti Ministrici za odgoj i obrazovanje Kantona Sarajevo da potpiše Sporazum sadržan je u odredbama člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 14/01, 28/04, 6/13 i 31/17), člana 39. Zakona o ustanovama („Službeni list R BiH“, br. 6/90, 8/93 i 13/94) i čl. 6. i 8. Zakona o imovini Kantona Sarajevo („Službene novine Kantona Sarajevo“, br. 06/97, 09/98- Presuda Ustavnog suda, 05/10-Presuda ustavnog suda i 27/16).

II RAZLOZI DONOŠENJA

Već dugi niz godina RP Pofalići predviđena je izgradnja novog objekta Javne ustanove Osnovna škola „Pofalići“, jer se postojeći objekat nalazi na trasi gradske brze ceste (bivši gradski autoput) Butile – Dariva.

U skladu sa tim Općina Novo Sarajevo je 2017. godine pokrenula inicijativu za izradu projektne dokumentacije za novi objekat i u skladu sa tim potpisan je Sporazum o regulisanju međusobnih odnosa na realizaciji projekta izrade investiciono tehničke dokumentacije za izgradnju objekta Javna ustanova Osnovna škola „Pofalići“ broj: 11-01-14-20995/2017 od 13.12.2017. godine i Sporazum o poslovnoj saradnji o regulisanju međusobnih odnosa strana potpisnica na zajedničkoj realizaciji Projekta izgradnje objekta JU Osnovna škola „Pofalići“, broj: 11-04-37159-2/21 od 15.10.2021. godine. Sporazumima je definisana realizacija projekta i obaveze ugovornih strana.

Nakon realizacije dijela obaveza iz navedenog Sporazuma (izrade Idejnog projekta) Zavod za izgradnju Kantona Sarajevo je uputio nadležnoj službi Općine Novo Sarajevo zahtjev za dobijanje urbanističke saglasnosti koja je uslov za izradu glavnog projekta. Nadležna služba Općine Novo Sarajevo je insistirala na novom Sporazumu o poslovnoj saradnji u kojem se definišu detaljno obaveze potpisnika na realizaciji projekta do upotrebne dozvole, kao i pitanja stvarnih prava i titulara nad projektom.

Shodno tome pripremljen je i potpisan Sporazum o poslovnoj saradnji, broj: 11-04-37159-2/21 od 15.10.2021. godine kojim se regulišu međusobni odnosi na zajedničkoj realizaciji Projekta izgradnje objekta Javne ustanove Osnovna škola „Pofalići“ sa vanjskim uređenjem sa Općinom Novo Sarajevo i Zavodom za izgradnju Kantona Sarajevo.

Strane potpisnice nakon analize stanja su se usaglasile da je potrebno izmijeniti gore navedeni sporazum. Nakon nekoliko održanih radnih sastanaka usaglašeno je da se pripremi novi prijedlog Sporazuma o poslovnoj saradnji na realizaciji projekta izgradnje objekta Javne ustanove Osnovna škola „Pofalići“ Sarajevo kojim bi se detaljnije definisale obaveze ugovornih strana.

Stupanjem na snagu ovog prijedloga Sporazuma, van snage se stavljaju Sporazumi broj: 11-01-14-20995/2017 od 13.12.2017. godine i broj: 11-04-37159-2/21 od 15.10.2021. godine

U skladu sa propisanom procedurom, Ministarstvo za odgoj i obrazovanje je prijedlog Sporazuma uputilo Pravobranilaštvu Kantona Sarajevo, koje je po Zakonu dužno da štiti imovinu i imovinske interese Kantona Sarajevo.

Postupajući po zahtjevu Ministarstva, Pravobranilaštvo Kantona Sarajevo je dostavilo Mišljenje broj: M-238 od 15.10.2025. godine.

Predlaže se Skupštini Kantona Sarajevo da donese odluku kao u prijedlogu.

Prilozi:

- *Sporazum o regulisanju međusobnih odnosa na realizaciji projekta izrade investiciono tehničke dokumentacije za izgradnju objekta Javna ustanova Osnovna škola „Pofalići“ broj: 11-01-14-20995/2017 od 13.12.2017. godine;*
- *Sporazum o poslovnoj saradnji, broj: 11-04-37159-2/21 od 15.10.2021. godine*
- *Prijedlog Sporazuma o poslovnoj saradnji na realizaciji projekta izgradnje objekta Javne ustanove Osnovna škola „Pofalići“ Sarajevo sa Općinom Novo Sarajevo i Zavodom za izgradnju Kantona Sarajevo;*
- *Akt Ministarstva, broj: 11-07/01-02-48359/25 od 3.10.2025. godine;*
- *Mišljenje Pravobranilaštva Kantona Sarajevo broj: M-238 od 15.10.2025. godine;*
- *Izvod iz Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 14/01, 28/04, 6/13 i 31/17);*
- *Izvod iz Zakona o ustanovama („Službeni list R BiH“, br. 6/90, 8/93 i 13/94);*
- *Izvod iz Zakona o imovini Kantona Sarajevo („Službene novine Kantona Sarajevo“, br. 06/97, 09/98- Presuda Ustavnog suda, 05/10-Presuda ustavnog suda i 27/16).*

SPORAZUM

o regulisanju međusobnih odnosa na realizaciji projekta izrade investiciono tehničke dokumentacije za izgradnju objekta Javna ustanova Osnovna škola „Pofalići“

Zaključen dana _____ godine u Sarajevu između:

1. MINISTARSTVO ZA OBRAZOVANJE, NAUKU I MLADE KANTONA SARAJEVO, koga zastupa ministar Prof. dr. Elvir Kazazović (u daljem tekstu: Ministarstvo)

2. OPĆINA NOVO SARAJEVO, koju zastupa načelnik Nedžad Koldžo (u daljem tekstu: Općina)

3. ZAVOD ZA IZGRADNJU KANTONA SARAJEVO, koga zastupa direktor Ljiljana Pelidija, dipl.ing.građ. (u daljem tekstu: Zavod)

Član 1.

Ovim Sporazumom se uređuju međusobni odnosi sporazumnih strana na obavljanju poslova na realizaciji Projekta izrade investiciono tehničke dokumentacije za izgradnju Javna ustanova Osnovna škola „Pofalići“ prema Regulacionom planu Pofalići (u daljem tekstu Projekt).

Član 2.

Ministarstvo i Općina ustupaju Zavodu kao Implementatoru, a Zavod prihvata da realizira aktivnosti na obezbjeđenju pripremne dokumentacije te projektne dokumentacije, na nivou Idejnih i Izvedbenih projekata, do pribavljanja odobrenja za građenje.

Član 3.

Sredstva za realizaciju izrade projektne dokumentacije izgradnje objekta Javna ustanova Osnovna škola „Pofalići“ su obezbjeđena u Budžetu Općine Novo Sarajevo za 2017. godinu.

Član 4

Zavod, kao implementator prihvata da realizira aktivnosti na realizaciji projekta, kako slijedi:

- a) Pripremanje projektne i druge tehničke dokumentacije za građenje škole,
- b) Provođenje postupka javne nabavke odabira projekatata, izvršioca drugih usluga u cilju kompletiranja projektne dokumentacije za izdavanje odobrenja za građenje.

Zavod će kao implementator realizirati i aktivnosti na pripremanju i opremanju gradskog građevinskog zemljišta o čemu će se sporazumne strane naknadno dogovoriti.

Član 5.

Aktivnosti iz člana 4 obuhvataju:

- pod a) Pripremanje projektne i druge tehničke dokumentacije za građenje škole uključuje izradu svih projektnih zadataka, provođenje procedure javne nabavke za obezbjeđenje potrebne projektne dokumentacije, upravljanje segmentom obezbjeđenja projektne dokumentacije, kako slijedi, za:
 - Geodetski snimak parcele;
 - Izmještanje postojećih i novih instalacija prema novom Regulacionom planu;
 - Elaborat o izvođenju geomehaničkih istražnih radova i projekat izvođenja osiguranja građevinske jame za objekat škole;
 - Idejnog projekta arhitekture objekta škole i Izvedbenih projekata svih faza: arhitektura, konstrukcija, vodovod i kanalizacija, mašinski dio, projekti elektroinstalacija slabe i jake struje, projekat vanjskog uređenja i nivelacije, projekat opremanja škole, projekat vizuelne komunikacije, elaborat zaštite na radu i zaštite od požara i eksplozije, studije za izdavanje prethodne vodne saglasnosti, studije za izdavanje okolinske dozvole i revizije projektne dokumentacije;
 - Obezbjeđenje svih saglasnosti od nadležnih KJKP preduzeća, vodne saglasnosti, okolinske dozvole, urbanističke saglasnosti i odobrenja za građenje za sve izmještene i nove instalacije i školski objekat sa vanjskim uređenjem školske parcele.
- pod b) izrada tenderskih dokumentacija za provođenje postupaka svih javnih nabavki radi obezbjeđenja projektne dokumentacije, a sve prema Zakonu o javnim nabavkama.

Član 6.

Zavod Implementator započinje aktivnosti na izradi projektnih zadataka za obezbjeđenje pripremne projektne dokumentacije odmah po dostavi podataka o budućem kapacitetu škole (očekivani broj učenika) i dostavi provedbene planske dokumentacije Regulacioni plan Pofalići svih faza na CD-u , grafički i tekstualni dio.
Rok za izradu Projektnog zadatka i pokretanje postupka Javne nabavke za izradu projektne dokumentacije je 31.12.2017. godine.

Član 7.

Zavod Implementator se obavezuje da će, poslove iz člana 4. ovog Sporazuma obavljati bez naknade, a prema važećim zakonskim i tehničkim propisima i standardima.

Član 8.

Obavezuje se Općina da će odobrena sredstva za izradu projektne dokumentacije za realizaciju projekta, doznačiti na račun odabranog Izvršioca usluge na osnovu tripartitnih ugovora sklopljenih između Općine, Zavoda i odabranog Izvršioca usluge.

Početna sredstva u iznosu od **2.000,00 KM** za objavu obavještenja vezanih za poslove provođenja postupaka javnih nabavki i izrade tenderske dokumentacije, Općina Novo Sarajevo će doznačiti Bužetskoj organizaciji **2601001-** Zavodu za izgradnju Kantona, opština **077**, na depozitni račun Kantona Sarajevo br. **3380002210019263** kod Uni Credit banke, poziv na br. **4444444444** –Projekti Kantona Sarajevo, u roku od sedam (7) dana od dana potpisivanja Sporazuma

Član 9.

Obaveze Ministarstva su:

- a) da dostavi Zavodu pedagoške standarde i normative potrebne za izradu projektnog zadatka, kao i zahtjeve za kapacitetom buduće škole;
- b) da osigura učešće predstavnika Ministarstva u Timu za izradu projektnog zadatka i provođenja planiranih aktivnosti na projektnoj dokumentaciji.

Član 10.

Obaveze Općine su:

- a) da dostavi Zavodu provedbeno-plansku dokumentaciju RP Pofalići svih faza na CD-u;
- b) da osigura učešće predstavnika Općine radi definisanja projektnog zadatka i provođenja planiranih aktivnosti na projektnoj dokumentaciji i gradnji objekta;
- c) da osigura učešće predstavnika Općine u radu Komisije za evaluaciju ponuda po svim pokrenutim procedurama javnih nabavki;
- d) da učestvuje u potpisu ugovora kao član Ugovornog organa zajedno sa Implementatorom (Ugovori na izradi projektne dokumentacije).

Član 11.

Sporazumne strane su saglasne, da za sve ostala pitanja koja nisu regulisana ovim sporazumom, važe odredbe Zakona o obligacionim odnosima.

Član 12.

U slučaju spora između sporazumnih strana, nadležan je Sud u Sarajevu.

Član 13.

Ovaj Sporazum stupa na snagu danom potpisivanja, a sačinjen je u šest (6) istovjetnih primjeraka, od kojih svaki potpisnik Sporazuma zadržava po dva (2) primjerka.

**Ministarstvo za obrazovanje, nauku i mlade
Kantona Sarajevo
Ministar**

Općina Novo Sarajevo

Općinski načelnik

Elvir Kazazović, Prof. dr.

Adil Koldžo

Broj: 11-01-14-2099/2017
Datum: 13.12. 2017.

Broj: 02-14-3546/2017
Datum: 15.11. 2017.

**Zavod za izgradnju Kantona Sarajevo
Direktor**

Liljana Pelidija, dipl.ing./građ.

Broj: 03-033-4371/2017

Datum: _____ 2017.

21-12- 2017

Izradila:

Kontrolisao:

POMOĆNIK NAČELNIKA

Na osnovu člana 363. stav 5. Zakona o stvarnim pravima („Službene novine F BiH“, broj: 66/13 i 100/13) i na osnovu člana 43., 44., 45. i 46. Zakona o prostornom uređenju Kantona Sarajevo („Službene novine Kantona Sarajevo“, broj: 24/17 i 17/18) a radi realizacije Projekta izgradnje objekta Javne ustanove Osnovna škola „Pofalići“ Sarajevo, strane potpisnice saglasne su da zaključie

S P O R A Z U M

o poslovnoj saradnji

između:

OPĆINA NOVO SARAJEVO (u daljem tekstu Općina), koju zastupa općinski načelnik, dr. Hasan Tanović;

i

KANTONA SARAJEVO - MINISTARSTVO ZA ODGOJ I OBRAZOVANJE (u daljem tekstu Ministarstvo), koje zastupa ministrica, Naida Hota-Muminović;

i

ZAVODA ZA IZGRADNJU KANTONA SARAJEVO (u daljem tekstu Zavod), kojeg zastupa, direktorica Belma Barlov,

PREDMET SPORAZUMA

Član 1.

Ovim Sporazumom regulišu se međusobni odnosi između strana potpisnica na zajedničkoj realizaciji Projekta izgradnje objekta Javne ustanove Osnovna škola „Pofalići“ sa vanjskim uređenjem na građevinskom zemljištu označenom kao kč. broj 2249/1, 2250/1, 2250/2, 2251/1, 2251/2, 2265/1, 2258/1 i 2258/2 ko. Novo Sarajevo i novog premjera, što po starom premjeru odgovara kč. broj 726, 729, 731, 470, 728 i 471 ko. LIII Mahala i izgradnje pristupne saobraćajnice sa javnim parkingom na građevinskom zemljištu označenom kao kč. broj 2246/5, 2249/1, 2250/1, 2250/2, 2251/2, 2251/1, 2265/1, 2265/2, 2265/3, 2252, 2258/1, 2258/2, 2258/3, 2257/1, 2257/2 ko. Novo Sarajevo I novog premjera, što po starom premjeru odgovara kč. broj 1653, 729, 731, 470, 728, 471, 1651, 1401 ko. LIII Mahala u skladu sa Regulacionim planom „Pofalići“ („Službene novine Kantona Sarajevo“, broj 17/11, 37/13, 41/13, 17/16, 41/16) do konačne realizacije projekata, tj. do ishodovanja upotrebnih dozvola.

Član 2.

Strane potpisnice su saglasne da se površina građevinske parcele iz člana 1. za budući objekat Javne ustanove Osnovna škola „Pofalići“ (u daljem tekstu: škola) sa vanjskim uređenjem i površina zemljišta koje ulazi u trasu pristupne saobraćajnice sa javnim parkingom, utvrdi u postupku parcelacije nakon pribavljanja rješenja o urbanističkoj saglasnosti za objekat Javne ustanove Osnovna škola „Pofalići“ sa vanjskim uređenjem i urbanističke saglasnosti za izgradnju pristupne saobraćajnice sa javnim parkingom.

Član 3.

Strane potpisnice su saglasne da će ovaj Sporazum biti osnov za:

- Izdavanje rješenja urbanističke saglasnosti, odobrenja za građenje i upotrebne dozvole za objekat Javne ustanove Osnovna škola „Pofalići“ sa vanjskim uređenjem na ime Kantona Sarajevo – Ministarstvo za odgoj i obrazovanje;
- Izdavanje rješenja urbanističke saglasnosti, odobrenja za građenje i upotrebne dozvole za pristupnu saobraćajnicu sa javnim parkingom na ime Općine Novo Sarajevo.

PRAVA I OBAVEZE STRANA POTPISNICA

Član 4.

Općina se obavezuje da će:

1. Izdati urbanističku saglasnost za izgradnju objekta Javne ustanove Osnovna škola „Pofalići“ sa vanjskim uređenjem na ime Ministarstva kao investitora,
2. Izdati urbanističku saglasnost za izgradnju pristupne saobraćajnice sa parkingom na ime Općine kao investitora;
3. Putem Službe koja prati realizaciju Sporazuma o regulisanju međusobnih odnosa na realizaciji projekta izrade investiciono tehničke dokumentacije za izgradnju objekta Javna ustanova Osnovna škola „Pofalići“ (Ministartstvo broj: 11-01-14-20995/2017 od 13.12.2017.godine, Općina broj: 02-14-3546/2017 od 15.11.2017.godine i Zavod za izgradnju KS broj: 03-033-4371/2017 od 21.12.2017.godine) (u daljem tekstu: Sporazum iz 2017. godine), podnijeti zahtjev nadležnoj općinskoj Službi za rješavanje imovinsko - pravnih odnosa na osnovu rješenja o urbanističkoj saglasnosti za objekat Javne ustanove Osnovna škola „Pofalići“ sa vanjskim uređenjem i urbanističke saglasnosti za izgradnju pristupne saobraćajnice sa javnim parkingom;
4. Snositi troškove eksproprijacije zemljišta koje ulazi u građevinsku parcelu za izgradnju objekta Javne ustanove Osnovna škola „Pofalići“ sa vanjskim uređenjem, vlasništvo fizičkih lica i provesti postupak eksproprijacije;
5. Snositi troškove eksproprijacije zemljišta koje ulazi u građevinsku parcelu za izgradnju pristupne saobraćajnice sa parkingom, vlasništvo fizičkih lica i provesti postupak eksproprijacije;
6. Putem nadležne Službe izvršiti parcelaciju zemljišta i utvrditi površinu građevinske parcele za budući objekat Javne ustanove Osnovna škola „Pofalići“ sa vanjskim uređenjem, kao i za pristupnu saobraćajnicu sa parkingom, nakon izdavanja rješenja o urbanističkoj saglasnosti;
7. Nakon okončane eksproprijacije i parcelacije građevinske parcele, ustupiti Kantonu Sarajevo – Ministarstvu za odgoj i obrazovanje, svoje zemljište u vlasništvu radi izgradnje objekta Javna ustanova Osnovna škola „Pofalići“ sa vanjskim uređenjem i na taj način izvršiti sufaninsiranje;
8. Putem nadležne Službe poduzeti aktivnosti na prenosu prava vlasništva na građevinskom zemljištu (utvrđene građevinske parcele za izgradnju objekta škole) sa Općine na Kanton Sarajevo putem notarski obrađenog ugovora, na koji trebaju dati pravna mišljenja Pravobranilaštva strana potpisnica, a što je preduslov za izdavanje odobrenja za građenje;
9. Putem nadležne Službe izdati odobrenje za građenje objekta Javne ustanove Osnovna škola „Pofalići“ sa vanjskim uređenjem na ime Ministarstva kao investitora, a nakon što Zavod podnese zahtjev i dostavi svu potrebnu dokumentaciju u skladu sa Sporazumom iz 2017. godine;
10. Putem nadležne Službe izdati odobrenje za građenje pristupne saobraćajnice sa parkingom na ime Općine kao investitora, a nakon što Zavod podnese zahtjev i dostavi svu potrebnu dokumentaciju u skladu sa Sporazumom iz 2017. godine;

11. Po pribavljanju Odobrenja za građenje planirati i obezbijediti sredstva i na taj način finansirati izgradnju pristupne saobraćajnice sa javnim parkingom i pripadajućom komunalnom infrastrukturom;
12. Obezbijediti sredstava za potrebe raspisivanja i provođenja javne nabavke za izvođenje radova na izgradnji pristupne saobraćajnice sa parkingom;
13. Provoditi postupke javne nabavke odabira izvođača radova na izgradnji pristupne saobraćajnice sa parkingom;
14. U skladu sa mogućnostima, eventualno, planirati sredstva kroz Budžete narednih godina za sufinansiranje izgradnje objekta škole;
15. Pratiti realizaciju izgradnje objekta škole i izgradnju pristupne saobraćajnice sa parkingom, putem nadležne Službe zadužene za koordinaciju sa potpisnicima Sporazuma.

Član 5.

Ministarstvo se obavezuje da će:

1. Planirati i obezbijediti finansijska sredstva za izgradnju objekta Javne ustanove Osnovna škola „Pofalići“ sa vanjskim uređenjem;
2. Finansirati pripremanje i opremanje građevinskog zemljišta, u smislu člana 44. Zakona o prostornom uređenju KS, za potrebe izgradnje objekta Javne ustanove Osnovna škola „Pofalići“ sa vanjskim uređenjem;
3. Provoditi postupke javne nabavke odabira izvođača radova na izgradnji objekta Javne ustanove Osnovna škola „Pofalići“ sa vanjskim uređenjem;
4. Planirati i obezbijediti finansijska sredstva za opremanje objekta Javne ustanove Osnovna škola „Pofalići“ sa vanjskim uređenjem;
5. Obezbijediti finansijska sredstva za potrebe raspisivanja i provođenja postupaka javne nabavke za izvođenje radova na izgradnji i na opremanju objekta Javne ustanove Osnovna škola „Pofalići“ sa vanjskim uređenjem;
6. Na zahtjev Općine, poduzeti sve neophodne aktivnosti na prenosu prava vlasništva na građevinskom zemljištu (utvrđene građevinske parcele za izgradnju objekta škole) sa Općine na Kanton Sarajevo putem notarski obrađenog ugovora, a što je preduslov za izdavanje odobrenja za građenje;
7. Pratiti realizaciju izgradnje objekta škole u koordinaciji sa potpisnicima Sporazuma.

Član 6.

Zavod se obavezuje da će:

1. Pratiti realizaciju izrade investiciono tehničke dokumentacije za izgradnju objekta Javna ustanova Osnovna škola „Pofalići“ sa vanjskim uređenjem i pristupne saobraćajnice sa parkingom; u skladu sa Sporazumom iz 2017. godine u svojstvu implementatora predmetnog Sporazuma;
2. Podnijeti zahtjev za izdavanje urbanističke saglasnosti za izgradnju objekta Javne ustanove Osnovna škola „Pofalići“ sa vanjskim uređenjem na ime Ministarstva kao investitora;
3. Podnijeti zahtjev za izdavanje urbanističke saglasnosti za izgradnju pristupne saobraćajnice sa vanjskim uređenjem na ime Općine kao investitora;
4. Ishodovati saglasnosti kantonalnih javnih komunalnih preduzeća i drugih saglasnosti u skladu sa urbanističko tehničkim uslovima datim u urbanističkoj saglasnosti za izgradnju objekta Javne ustanove Osnovna škola „Pofalići“ sa vanjskim uređenjem i u urbanističkoj saglasnosti za izgradnju pristupne saobraćajnice sa parkingom;
5. Podnijeti zahtjev za izdavanje odobrenja za građenje za izgradnju objekta Javne ustanove Osnovna škola „Pofalići“ sa vanjskim uređenjem na ime Ministarstva kao investitora;

6. Podnijeti zahtjev za izdavanje odobrenja za građenje za izgradnju pristupne saobraćajnice sa vanjskim uređenjem na ime Općine kao investitora;
7. Obavljati poslove stručno-tehničkog nadzora nad izvođenjem radova po svim fazama na izgradnji objekta Javne ustanove Osnovna škola „Pofalići“ sa vanjskim uređenjem i na izgradnji pristupne saobraćajnice sa parkingom;
8. Sve druge poslove koji su bitni radi privođenja zemljišta konačnoj namjeni.

PRELAZNE I ZAVRŠNE ODRDBE

Član 7.

Strane potpisnice su saglasne da na predmetni Sporazum saglasnost treba da daju nadležna Pravobranilaštva strana potpisnica, Općinsko vijeće Novo Sarajevo i Skupština Kantona Sarajevo.

Član 8.

Strane potpisnice su saglasne da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

Član 9.

Sporazum stupa na snagu danom potpisivanja od strane ovlaštenih lica potpisnika sporazuma.

Član 10.

Ovaj Sporazum je sačinjen u 9 (devet) jednakih primjeraka, od kojih svaka strana potpisnica zadržava po 3 (tri) primjerka.

KANTONA SARAJEVO - MINISTARSTVO
ZA OPĆU I OBRAZOVANJE

Naida Hotić - Muminović

Broj: M-04-37452/21

Datum: 15. 10. 2021. godine

OPĆINA NOVO SARAJEVO
Općinski načelnik

dr. Hasan Tanović

Broj: 09-1-7125/21

ZAVOD ZA IZGRADNJU
KANTONA SARAJEVO

Belma Barlov

Broj: 03-4-9450/21

Datum: 18. 10. 2021. godine

S P O R A Z U M

O POSLOVNOJ SARADNJI NA REALIZACIJI PROJEKTA IZGRADNJE OBJEKTA JAVNE USTANOVE OSNOVNA ŠKOLA „POFALIĆI“ SARAJEVO

1. **MINISTARSTVO ZA ODGOJ I OBRAZOVANJE KANTONA SARAJEVO** (u daljem tekstu: Ministarstvo), koje zastupa i predstavlja ministrica Naida Hota-Muminović
2. **OPĆINA NOVO SARAJEVO** (u daljem tekstu: Općina) koju zastupa i predstavlja Općinska načelnica Prof. dr. Benjamina Karić
3. **ZAVOD ZA IZGRADNJU KANTONA SARAJEVO** (u daljem tekstu: Zavod) kojeg zastupa i predstavlja direktorica Belma Barlov (u daljem tekstu: Zavod)

Član 1.

Ovim sporazumom utvrđuju se međusobna prava i obaveze potpisnika Sporazuma na zajedničkoj realizaciji Projekta izgradnje i opremanja objekta Javne ustanove Osnovna škola „Pofalići“ Sarajevo sa vanjskim uređenjem i Projekta izgradnje pristupne saobraćajnice sa javnim parkingom.

Sporazumne strane su saglasne da imaju opravdan društveni interes da na način i kroz aktivnosti opisane u ovom sporazumu realizuju predmetni projekat.

Sporazumne strane konstatuju da su do sada potpisale dva Sporazuma u cilju izgradnje Javne ustanove Osnovna škola „Pofalići“ i to Sporazum o regulisanju međusobnih odnosa na realizaciji Projekta izrade investiciono tehničke dokumentacije za izgradnju objekta JU Osnovna škola „Pofalići“, broj: 11-04-14-2095/2017 od 13.12.2017. godine – Ministarstvo, broj: 02-14-3546/2017 od 15.11.2017. godine - Općina i broj: 03-033-4371/2017 od 21.12.2017. godine – Zavod i Sporazum o poslovnoj saradnji o regulisanju međusobnih odnosa strana potpisnica na zajedničkoj realizaciji Projekta izgradnje objekta JU Osnovna škola „Pofalići“ broj: 11-04-37159-2/21 od 15.10.2021. godine – Ministarstvo, broj: 09-11-7125/21 od 15.10.2021. godine- Općina i broj: 03-4-9790/21 od 18.10.2021. godine – Zavod

Potpisivanjem ovog sporazuma, sporazumne strane su saglasne da se sve započete aktivnosti po ranijim sporazumima nastavljaju u skladu sa ovim sporazumom.

Član 2.

Projekat iz člana 1. ovog sporazuma obuhvata aktivnosti rješavanja imovinsko-pravnih odnosa, izrade projektne dokumentacije, izdavanje potrebnih saglasnosti, provođenje procedure javne nabavke i implementacije izvođenja radova na izgradnji i opremanju objekta Javne ustanove Osnovna škola „Pofalići“ Sarajevo sa vanjskim uređenjem.

Sporazumne strane su saglasne da projektantska procjena za izgradnju i opremanje škole sa vanjskim uređenjem sa uključenim PDV-om iznosi 20.000.000 KM, a da će se stvarna vrijednost projekta utvrditi nakon završetka izgradnje.

Sporazumne strane su saglasne da projektantska procjena za izgradnju parkinga sa pristupnom saobraćajnicom sa uključenim PDV-om iznosi 600.000 KM – a da će se stvarna vrijednost projekta utvrditi nakon završetka izgradnje.

Član 3.

Projekat izgradnje objekta Javne ustanove Osnovna škola „Pofalići“ realizira se na građevinskom zemljištu označenom kao k.č. broj 2249/1, 2250/1, 2251/1 K.O. Novo Sarajevo I novog premjera, što po starom premjeru odgovara k.č. broj 729, 726, 1659, 731, 470, 1284 K.O. LIII Mahala, u skladu sa Regulacionim planom „Pofalići“ („Službene novine Kantona Sarajevo“, broj 17/11, 37/13, 41/13, 17/16, 41/16).

Projekat izgradnje pristupne saobraćajnice sa javnim parkingom realizira se na građevinskom zemljištu označenom kao k.č. 2250/2 K.O. Novo Sarajevo I novog premjera, što po starom premjeru odgovara k.č. 3708, 3709 K.O. LIII Mahala u skladu sa Regulacionim planom „Pofalići“ („Službene novine Kantona Sarajevo“, broj 17/11, 37/13, 41/13, 17/16, 41/16).

Član 4.

Sporazumne strane konstatuju da su do sada po sporazumima navedenim u članu 1. ovog Sporazuma provedene sljedeće aktivnosti po potpisnicima:

1. Ministarstvo:

- Dokumentom Okvirnog Budžeta za 2026.-2028. u okviru razdjela Ministarstva za odgoj i obrazovanje planirano je 14.000.000,00 KM (po 4.000.000,00 KM za svaku godinu i dodatno 2.000.000,00 KM za 2028. godinu za opremanje škole).

2. Općina:

- Finansirala izradu projektne dokumentacije za školu sa vanjskim obuhvatom i za parking sa pristupnom saobraćajnicom u skladu sa ranijim Sporazumima;
- Riješila imovinsko-pravne odnose na zemljištu navedenom u članu 3. Sporazuma;
- Izvršila parcelaciju zemljišta i utvrdila površinu građevinske parcele za budući objekat Javne ustanove Osnovna škola „Pofalići“ Sarajevo sa vanjskim uređenjem;
- Izdala urbanističku saglasnost za izgradnju objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva kao investitora i
- Izdala urbanističku saglasnost i građevinsku dozvolu za izgradnju pristupne saobraćajnice sa parkingom na ime Općine kao investitora.

3. Zavod :

- Pribavio saglasnosti kantonalnih javnih komunalnih preduzeća i drugih saglasnosti u skladu sa urbanističko tehničkim uslovima datim u urbanističkoj saglasnosti za izgradnju objekta Javne ustanove Osnovna škola „Pofalići“ Sarajevo sa vanjskim uređenjem;
- Podnio zahtjev za izdavanje urbanističke saglasnost za izgradnju objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva kao investitora i
- Podnio zahtjev za izdavanje odobrenja za građenje objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva kao investitora.

Član 5.

1. Ministarstvo se obavezuje da će:

- Planirati i osigurati finansijska sredstva za izgradnju i opremanje objekta Javne ustanove Osnovna škola „Pofalići“ sa vanjskim uređenjem, u skladu sa zakonom;
- Izvršiti plaćanje prema odabranom izvođaču radova u skladu sa potpisanim Ugovorom, a na osnovu dostavljenog zahtjeva za uplatu avansa od strane Izvođača sa važećom bankovnom garancijom na isti i privremenih i okončane situacije potpisanih i ovjerenih od strane svih potpisnika ugovora i nadzornog organa;
- Finansirati pripremanje i opremanje građevinskog zemljišta, u smislu člana 44. Zakona o prostornom uređenju Kantona Sarajevo, za potrebe izgradnje objekta Javne ustanove Osnovna škola „Pofalići“ Sarajevo sa vanjskim uređenjem;
- Osigurati finansijska sredstva – naknadu za pogodnosti dodijeljenog građevinskog zemljišta (RENTA) kao preduslov za izdavanje odobrenja za građenje i uplatiti Općini sredstva na ime naknade za pogodnost dodijeljenog građevinskog zemljišta (RENTA) u budžet Općine;
- Planirati sredstva kroz Budžet narednih godina za sufinansiranje izgradnje i opremanja objekta škole (cca 14.000.000,00 KM);
- Pratiti realizaciju izgradnje i opremanja objekta škole u koordinaciji sa potpisnicima Sporazuma;
- Imenovati najmanje jednog člana Tima za realizaciju projekta izgradnje i opremanja Javne ustanove OŠ Pofalići i
- Imenovati najmanje jednog člana komisije koja će provoditi postupak javne nabavke odabira izvođača radova na izgradnji i opremanju objekta Javne ustanove Osnovna škola „Pofalići“ Sarajevo.

2. Općina se obavezuje da će:

- Putem nadležne Službe izdati odobrenja za građenje objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva i Općine kao suinvestitora, a nakon što Zavod podnese zahtjev i dostavi svu potrebnu dokumentaciju.
- Planirati i osigurati sredstva kroz Budžet (uključujući i kreditno zaduženje) narednih godina za sufinansiranje izgradnje i opremanja objekta Javne ustanove Osnovna škola „Pofalići“ Sarajevo u iznosu od cca 10.000.000,00 KM;
- Provoditi postupak zajedničke javne nabavke odabira izvođača radova na izgradnji i opremanju objekta Javne ustanove Osnovna škola „Pofalići“ Sarajevo sa vanjskim uređenjem u ime i za račun svih učesnika, a skladu sa dogovorenom dinamikom i raspoloživim finansijskim sredstvima;
- Da će prije pokretanje procedure javne nabavke odabira izvođača radova na izgradnji objekta Javne ustanove Osnovna škola „Pofalići“ Sarajevo sa vanjskim uređenjem prethodno pribaviti pozitivno mišljenje Ministarstva na navedenu proceduru.
- Da će u postupak provođenja procedura javne nabavke odabira izvođača radova na izgradnji objekta Javne ustanove Osnovna škola „Pofalići“ Sarajevo sa vanjskim uređenjem obavezno uključiti najmanje jednog člana komisije kojeg delegira Ministarstvo.

- Osigurati sredstva za potrebe raspisivanja i provođenja javne nabavke za izvođenje radova na izgradnji pristupne saobraćajnice sa parkingom;
- Provoditi proceduru javne nabavke odabira izvođača radova na izgradnji pristupne saobraćajnice sa parkingom;
- Pratiti realizaciju izgradnje objekta škole i izgradnju pristupne saobraćajnice sa parkingom putem nadležne Službe zadužene sa koordinaciju sa potpisnicima Sporazuma i
- Imenovati najmanje jednog člana Tima za realizaciju projekta izgradnje i opremanja Javne ustanove OŠ Pofalići.

3. Zavod se obavezuje da će:

- Podnijeti zahtjev za izmjenу urbanističke saglasnosti za izgradnju objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva i Općine kao suinvestitora;
- Podnijeti zahtjev za izdavanje odobrenja za građenje za izgradnju objekta Javne ustanove Osnovna škola „Pofalići“ Sarajevo sa vanjskim uređenjem na ime Ministarstva i Općina kao suinvestitora;
- Obavljati poslove stručno-tehničkog nadzora nad izvođenjem radova po svim fazama na izgradnji i opremanju objekta Javne ustanove Osnovna škola „Pofalići“ Sarajevo sa vanjskim uređenjem i na izgradnji pristupne saobraćajnice sa parkingom;
- Imenovati najmanje jednog člana Tima za realizaciju projekta izgradnje i opremanja Javne ustanove OŠ Pofalići i
- sve druge poslove koji su bitni radi privođenja zemljišta i objekta Javne ustanove Osnovna škola „Pofalići“ Sarajevo konačnoj namjeni.

Član 6.

Tim za realizaciju projekta formiran u skladu s ovim Sporazumom ima zadatak da koordinira, prati i izvještava o svim aktivnostima vezanim za realizaciju projekta izgradnje i opremanja Javne ustanove „Osnovna škola Pofalići“.

Tim je posebno obavezan:

- a) Pregledati i upoznati se sa investiciono tehničkom dokumentacijom i dati svoje mišljenje na istu što je preduslov za raspisivanje postupaka javnih nabavki u okviru projekta u skladu sa Zakonom o javnim nabavkama BiH;
- b) Pratiti i koordinirati provedbu projekta, uključujući usklađivanje aktivnosti sa rokovima, finansijskim planovima i ugovorenim obavezama;
- c) Identifikovati i pravovremeno predlagati rješenja za eventualne nepredviđene okolnosti koje mogu uticati na realizaciju projekta, te o tome pisanim putem obavijestiti sporazumne strane i predložiti odgovarajuće mjere ili izmjene;
- d) Redovno izvještavati sporazumne strane o toku realizacije projekta i statusu javnih nabavki, najmanje jednom mjesečno ili po potrebi češće.

Tim je dužan djelovati savjesno, profesionalno i u interesu uspješne realizacije projekta, poštujući važeće propise, rokove i standarde kvaliteta.

Član 7.

Zemljište označeno kao k.č. broj 2249/1, 2250/1, 2251/1 K.O. Novo Sarajevo I novog premjera, što po starom premjeru odgovara k.č. broj 729, 726, 1659, 731, 470, 1284 K.O. LIII Mahala u skladu sa Regulacionim planom „Pofalići“ („Službene novine Kantona Sarajevo“, broj 17/11, 37/13, 41/13, 17/16, 41/16) vlasništvo Općine i objekat Javne ustanove Osnovna škola „Pofalići“ nakon završetka izgradnje navedenog objekta, a prema procjeni ovlaštenih sudskih vještaka upisati će se kao suvlasništvo Kantona Sarajevo i Općine u procentualnom srazmjeru prema visini ulaganja sporazumnih strana, a što će se urediti naknadnim sporazumom nakon izdavanja upotrebne dozvole.

Zemljište označeno kao k.č. 2250/2 K.O. Novo Sarajevo I novog premjera, što po starom premjeru odgovara k.č. 3708, 3709 K.O. LIII Mahala u skladu sa Regulacionim planom „Pofalići“ („Službene novine Kantona Sarajevo“, broj 17/11, 37/13, 41/13, 17/16, 41/16) vlasništvo Općine, činiti će zemljište za izgradnju pristupne saobraćajnice sa javnim parkingom kojeg isključivo gradi Općina te će i dalje ostati u vlasništvu Općine. Sredstva uložena u izgradnju pristupne saobraćajnice sa javnim parkingom kao i navedno zemljište neće uticati na određivanje suvlasničkog dijela Općine u zemljištu i objektu Javne ustanove Osnovna škola „Pofalići“ iz stava (1) ovog člana.

Sporazumne strane su saglasne da se nakon izdavanja upotrebne dozvole i upisa prava suvlasništva u zemljišnu knjigu budući objekat Javne ustanove Osnovna škola „Pofalići“ preda navedenoj Javnoj ustanovi na korištenje i raspolaganje.

Član 8.

Sporazumne strane su saglasne da na ovaj sporazum mišljenja treba da daju nadležna Pravobranilaštva, te saglasnost Skupština Kantona Sarajevo i Općinsko vijeće Novo Sarajevo.

Član 9.

Sporazumne strane isti potpisuju i bez ikakvih ograničenja će ga provesti, a sve u cilju realizacije aktivnosti iz Sporazuma, transparentnog te zakonitog utroška budžetskih i kreditnih sredstava.

Sporazumne strane će eventualne nesporazume koji se pojave u toku realizacije aktivnosti prava i obaveza, aktivnosti i procedura iz Sporazuma rješavati dogovorom, a ako to nije moguće, u slučaju spora nadležan je Sud u Sarajevu.

Član 10.

Sporazum stupa na snagu danom potpisivanja od strane ovlaštenih lica potpisnika sporazuma.

Član 11.

Stupanjem na snagu ovog sporazuma prestaje da važi Sporazum o regulisanju međusobnih odnosa na realizaciji Projekta izrade investiciono tehničke dokumentacije za izgradnju objekta JU Osnovna škola „Pofalići“ broj: 11-04-14-2095/2017 od 13.12.2017. godine – Ministarstvo, broj: 02-14-3546/2017 od 15.11.2017. godine - Općina i broj: 03-033-4371/2017 od 21.12.2017. godine – Zavod i Sporazum o poslovnoj saradnji o regulisanju međusobnih odnosa strana potpisnica na zajedničkoj realizaciji Projekta izgradnje objekta JU Osnovna škola

„Pofalići“ broj: 11-04-37159-2/21 od 15.10.2021. godine – Ministarstvo, broj: 09-11-7125/21 od 15.10.2021. godine- Općina i broj: 03-4-9790/21 od 18.10.2021. godine – Zavod.

Član 12.

Ovaj sporazum je sačinjen u devet (9) jednakih primjeraka, od kojih svaka sporazumna strana zadržava po tri (3) primjerka.

**MINISTARSTVO ZA ODGOJ I
OBRAZOVANJE KANTONA
SARAJEVO**
Ministrica

OPĆINA NOVO SARAJEVO

Općinska načelnica

**ZAVOD ZA IZGRADNJU
KANTONA SARAJEVO**

Direktorica

Naida Hota-Muminović

Prof.dr. Benjamina Karić

Belma Barlov

Broj: _____

Datum: _____

Broj: _____

Datum: _____

Broj: _____

Datum: _____



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-02-48359/25
Sarajevo, 03.10. 2025. godine

**PRAVOBRANILAŠTVO
KANTONA SARAJEVO
Branilaca Sarajeva 21
71000 Sarajevo**

PREDMET: Mišljenje, - traži se -

Poštovani,

Ministarstvo za odgoj i obrazovanje Kantona Sarajevo, zaprimilo je prijedlog Sporazuma o poslovnoj saradnji na realizaciji Projekta izgradnje objekta Javne ustanove Osnovna škola „Pofalići“ Sarajevo (u prilogu). Navedenim prijedlogom Sporazuma utvrđuju se međusobna prava i obaveze potpisnika Sporazuma na zajedničkoj realizaciji Projekta izgradnje i opremanja objekta Javne ustanove Osnovna škola „Pofalići“ Sarajevo sa vanjskim uređenjem i Projekta izgradnje pristupne saobraćajnice sa javnim parkingom. Shodno odredbama člana 130. stav (7) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24), molimo Vas da nam dostavite Vaše mišljenje na predmetni prijedlog Sporazuma, a u cilju daljnjeg postupanja.

S poštovanjem,

Prilog:

- Kao u tekstu.




Dostavljeno:

1. Naslovu;
2. a/a.




Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

1/1



Broj: M-238/25
Sarajevo, 15.10.2025. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo za odgoj i obrazovanje



Veza: Vaš akt, broj: 11-07/01-02-48359/25 od 03.10.2025. godine

Aktom broj i datum veze, zaprimljenim u Pravobranilaštvu Kantona Sarajevo dana 10.10.2025. godine, zatražili ste mišljenje ovog organa na prijedlog Sporazuma o poslovnoj saradnji na realizaciji projekta izgradnje objekta Javne ustanove Osnovna škola Pofalići Sarajevo, (u daljem tekstu: Sporazum o poslovnoj saradnji) između Ministarstva za odgoj i obrazovanje Kantona Sarajevo, Općine Novo Sarajevo i Zavoda za izgradnju Kantona Sarajevo.

Na osnovu uvida u tekst prijedloga Sporazuma koji je dostavljen u prilogu akta, te proučavanja važećih zakonskih propisa koji regulišu predmet vašeg zahtjeva, a u skladu sa svojim nadležnostima utvrđenim članom 15. Zakona o pravobranilaštvu, ovo Pravobranilaštvo se izjašnjava i daje sljedeće:

M I Š L J E N J E

Prijedlogom Sporazuma o poslovnoj saradnji koji je dostavljen u prilogu akta, a koji se ima zaključiti između prednje navedenih sporazumnih strana regulišu se međusobna prava i obaveze na zajedničkoj realizaciji Projekta izgradnje i opremanja objekta Javne ustanove Osnovna škola Pofalići sa vanjskim uređenjem i Projekta izgradnje pristupne saobraćajnice sa javnim parkingom, koji se grade na zemljištu bliže opisanom u članu 3. Sporazuma. Kako izuzev Prijedloga Sporazuma o poslovnoj saradnji nije dostavljena druga dokumentacija na osnovu koji je isti sačinjen, to će ovoj organ cijeniti tekst prijedlog Sporazuma sa obligaciono-pravnog aspekata pod pretpostavkom da su podaci koji su navedeni u istom tačni, kako slijedi:

Članom 2. Sporazuma obuhvaćene su aktivnosti koje će provoditi sporazumne strane u cilju realizacije projekata, te iskazana projektanska procjena projekata, dok će se stvarne vrijednosti projekata utvrditi nakon završetka izgradnje. Shodno tome, članom 5. su određene obaveze sporazumnih strana, među ostalim i obaveze planiranja i osiguranja finansijskih sredstava kroz

budžete, dok su članom 4. konstatovane koje su aktivnosti do sada sporazumne strane realizovale. Jedna od obaveza koju je Kanton Sarajevo do sada realizovao navedena u članu 4. Sporazuma jeste planiranje sredstava okvirnim budžetom za 2026.-2028. godinu u iznosu od 14.000.000,00 KM za realizaciju projekta (tačni iznosi po pojedinačnim budžetskim godinama) dok Općina Novo Sarajevo se obavezala planirati sredstva u iznosu od cca 10.000.000,00 KM, bez planiranja visine iznosa po budžetskim godinama, što može negativno uticati na realizaciju samog projekta. Nastavno na prednje navedeno Sporazumom nisu određeni ni rokovi kada projekat treba biti okončan, odnosno rokovi za realizaciju pojedinačnih obaveza sporazumnih strana.

U pogledu rješavanja budućih odnosa između sporazumnih strana, članom 7. Sporazuma je regulisano da će se zemljište vlasništvo Općine i objekat Javne ustanove OŠ "Pofalići" nakon završetka izgradnje navedenog objekta, a prema procjeni ovlaštenih sudskih vještaka upisati kao suvlasništvo Kantona Sarajevo i Općine u procentualnom srazmjeru prema visini ulaganja sporazumnih strana, a što će se urediti naknadnim Sporazumom nakon izdavanja upotrebne dozvole. Kako ne bi došlo do nesporazuma među sporazumnim strana po navedenom pitanju, smatramo da je svrsishodno u sporazumu utvrditi šta čini visinu ulaganja sporazumnih strana, kada se ista procjenjuju-unose (npr. zemljište), jer od toga zavisi procenat ulaganja odnosno buduće suvlasništvo nad predmetnom imovinom. Kako je članom 11. Sporazuma navedeno da dva predhodna Sporazuma prestaju da važe i da shodno članu 1. stav 4. Sporazuma sve započete aktivnosti po ranijim sporazumima nastavljau u skladu sa ovim sporazumom, važno je da su sve aktivnosti ne samo započete već i okončane, iz ranijih sporazuma inkorporirane u Prijedlog sporazuma o poslovnoj saradnji.

Imajući u vidu prednje navedeno, ovo Pravobranilaštvo nema drugih primjedbi na Prijedlog Sporazuma o poslovnoj saradnji, pod uslovom da je isti usaglašen između svih ugovornih strana.

U konačnici, napominjemo da se mišljenje daje na temelju podataka i činjenica utvrđenih iz dostavljene dokumentacije, za čiju tačnost odgovara podnosilac zahtjeva, te ukoliko se utvrdi da takvi podaci odstupaju od stvarnog činjeničnog stanja, ovo mišljenje se ne može koristiti i stavlja se van snage.

Za sve dodatne informacije i eventualna pojašnjenja, stojimo Vam na raspolaganju.

Pravobranilac Kantona Sarajevo



VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se ureduju najvažnija pitanja iz nadležnosti Vlade Kantona, bliže ureduju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se ureduju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, ureduju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu a roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takсени obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

“Službene novine Kantona Sarajevo”
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Uredba sa zakonskom snagom o ustanovama

Općine na području Kantona mogu imati različite nadležnosti ovisno od globalne politike funkcioniranja i razvoja Kantona, te od ekonomskog prostornog i drugog položaja pojedinih općina.

Radi obezbjeđivanja efikasnosti i jedinstva u funkcioniranju vlasti, općine su u vršenju svojih nadležnosti obavezne ostvarivati međusobnu suradnju kao i suradnju sa vlastima Kantona.

Općine donose svoj statut sukladno ovom Ustavu i Ustavu Federacije.

Član 37.

Struktura vlasti u općinama

Zakonodavnu vlast u općinama vrše općinska vijeća, koja se, ovisno od broja stanovnika, sastoje od 9 (devet) do 35 (tridesetpet) članova. Članovi općinskih vijeća se biraju na neposrednim izborima tajnim glasanjem na području cijele općine. Izbori članova općinskih vijeća organiziraju se u pravilu istovremeno sa izborima za Skupštinu.

Izvršnu vlast u općini vrši općinski načelnik kojega bira općinsko vijeće na prijedlog članova.

Sudsku vlast u općinama vrše općinski sudovi. Ove sudove osniva i finansira Skupština Kantona, s tim da se sud može osnovati za više općina. Sudije općinskih sudova imenuje predsjednik najvišeg kantonalnog suda uz konsultacije sa općinskim načelnikom.

VI - FINANSIRANJE I IMOVINA KANTONA

Član 38.

Finansiranje Kantona

Finansiranje funkcija Kantona vrši se iz poreza, taksi i doprinosa koje uvodi Skupština. Finansiranje se može vršiti i iz drugih izvora, kao što su dotacije Bosne i Hercegovine i Federacije, zaduživanje kod banaka i drugih finansijskih organizacija, donacije i slično, o čemu odlučuje Skupština posebnim propisima.

Sistem javnih prihoda na području Kantona je jedinstven.

Općine ne mogu uvoditi nikakve druge poreze ili druge izvore prihoda, izuzev ako se radi o projektima za čije finansiranje se građani na području općine izjasne posebno, putem referenduma. Ostvareni prihodi na području Kantona se raspoređuju Kantonu i općinama srazmjerno nivou njihovog ostvarivanja na pojedinim općinama, te prema drugim kriterijumima utvrđenim propisom Kantona.

Funkcije Kantona i općina finansiraju se kroz budžet koji donose Skupština Kantona i općinska vijeća, sukladno propisima Kantona i Federacije.

Član 39.

Imovina Kantona

Kanton može imati pokretnu i nepokretnu imovinu.

Imovinom Kantona smatraju se stvari, prava i novčana sredstva koja su stečena kupovinom ili na drugi način sukladno zakonima Bosne i Hercegovine i Federacije.

Imovinom Kantona upravlja Skupština. Predsjednik i Vlada mogu raspolagati imovinom u okviru ovlaštenja koja im Skupština prenese posebnim propisom.

ZAKON

O IMOVINI KANTONA SARAJEVO

Član 1.

Ovim zakonom utvrđuje se imovina Kantona Sarajevo (u daljem tekstu: Kanton), preuzimanje, način sticanja, upravljanja i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sljedbenik Grada Sarajeva (u daljem tekstu: Grad) u imovini i imovinskim pravima, u skladu sa Zakonom o područjima općina SRBiH („Službeni list SRBiH”, br. 47/62, 6/65, 14/66, 23/67, 3/70, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posjedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3. i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udruženja

građana i političke organizacije, izuzev sredstava koja su te zajednice i organizacije pribavile iz drugih izvora osim budžeta; sredstava za finansiranje zajedničkih potreba, donacija društvenih pravnih lica i samodoprinosu građana;

3. nekretnina na području Kantona koje su izgrađene ili po drugom osnovu stečene iz sredstava budžeta, sredstava za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnim knjigama odnosno da li su upisane u zemljišne knjige;

4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlašćenja i obaveze vlasnika po osnovu državnog kapitala prema preduzećima i ustanovama koja u cjelini ili djelimično imaju državni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadležni organi Federacije.

Član 8.

Imovinom Kantona upravlja Skupština Kantona Sarajevo (u daljem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Član 9.

Skupština može posebnim propisom prenijeti prava vlasništva na druga pravna lica, u skladu sa zakonom.

Član 10.

Vlada Kantona posebnim propisom uredit će način evidentiranja imovine iz čl. 2, 3, 4, 5, 6. i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i države Bosne i Hercegovine.



SLUŽBENE NOVINE KANTONA SARAJEVO

Godina XXI – Broj 27

Četvrtak, 7. jula 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav 1. tačka b) i člana 39. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 28.06.2016. godine, donijela je

ZAKON

O DOPUNI ZAKONA O IMOVINI KANTONA SARAJEVO

Član 1.

U članu 6. Zakona o imovini Kantona Sarajevo ("Službene novine Kantona Sarajevo", br. 6/97, 9/98 - Presuda Ustavnog suda FBiH i 5/10 - Presuda Ustavnog suda FBiH), dodaje se stav (2) koji glasi:

"(2) Kanton je vlasnik imovine i imovinskih prava, odnosno pravni sljednik prava i obaveza udruženja i organizacija sa sjedištem u Sarajevu koje su prestale postojati po sili zakona ili po odluci nadležnog suda ili drugog nadležnog organa, a obavljale su djelatnosti u oblastima koje su u isključivoj ili pretpostavljenoj nadležnosti kantona (obrazovanje, kultura, sport i rekreacija i dr.)."

Član 2.

Ovaj Zakon stupa na snagu osmog dana od dana njegovog objavljivanja u "Službenim novinama Kantona Sarajevo".

Broj 01-02-22416/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 37. Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst), Skupština Kantona Sarajevo na sjednici održanoj dana 28.06.2016. godine, donijela je

ODLUKU

I

Daje se saglasnost Muzičkoj akademiji Univerziteta u Sarajevu za prodaju odnosno zamjenu stambene jedinice u vlasništvu Muzičke akademije Univerziteta u Sarajevu, koji se nalazi u ulici Kunovska broj 1, sprat II, stan broj 8, površine 38 m², zaveden pod brojem: šifra stana 248265086, poduložak broj: 27327 Općina Novi Grad.

II

Prodaju odnosno zamjenu stambene jedinice iz tačke I ove odluke Muzička akademija Univerziteta u Sarajevu obavezna je provesti u skladu sa zakonom, uvažavajući procijenjenu tržišnu vrijednost stambene jedinice od strane ovlaštenog sudskog vještaka.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-22433/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 12. tačka c i člana 18. stav 1. tačka d. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 117., a u vezi člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13 i 47/15), Skupština Kantona Sarajevo, na sjednici održanoj dana 28.06.2016. godine, povodom razmatranja Programa rada Javne ustanove Muzej Sarajeva sa finansijskim planom za 2016. godinu, donijela je

ODLUKU

I

Daje se saglasnost na Program rada Javne ustanove Muzej Sarajeva sa finansijskim planom za 2016. godinu, koji je sastavni dio ove odluke.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-22432/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

PROGRAM RADA

SA FINANSIJSKIM PLANOM JU MUZEJ SARAJEVA ZA 2016. GODINU

I UVODNI DIO

Program rada sa finansijskim planom za 2016. godinu JU Muzej Sarajeva sačinjen je u skladu sa Odlukom o metodologiji izrade i donošenja programa rada i izvještaja o radu Vlade Kantona i kantonalnih organa, donesene na 74. Sjednici Vlade